

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Historia Zaringo Badensis

Schöpflin, Johann Daniel

Carolsruhae, 1764

Carolus I.

[urn:nbn:de:bsz:31-295098](#)

C A P U T III.

C A R O L U S I.

A 1453 — 1475.



§. I.

Pacificum Marchiæ viginti duo annorum regimen CAROLI excepit turbulentum & Rectori fatale. Jacobum, pacis artibus innutritum, secutus est Carolus, animosus sed infelix miles a JUNGLEERO (*a*) vocatus. Tertia Marchiæ pars patris decreto ei fuerat destinata. Totius gubernationem fratrum cœssione denique solus accepit.

Nativitatis ejus annus incertus. Adolescens ludis equestribus Landshutæ inter nuptias Ludovici Ducis Bavariæ A. 1439. aliisque Ulrici, Wirtembergiæ Comitis, nuptiarum occasione Stutgardiae A. 1445. celebratis, interfuit. (*b*)

Gesta sub patre.

(*a*) In Narratione Genealog. Ms. Domus Badensis. FUGGER. in Speculo Austr.

pag. 443. der Krieger.

(*b*) CRUSIUS Annal. Suevicor. Lib. VII. Part. III. pag. 365, 371, 382.

CAROL.I.

A. 1446. Friderico IV. Regi Romanorum, cuius foro
rem nuper duxerat uxorem, contra Helvetios (*c*), atque trien-
nio post Wirtembergæ Comiti, adversus Eslingenenses & fœderatas
civitates, præstítit auxilium. (*d*)

§. II.

Turbae
Lüzel-
stein.

A. 1452. bellum, Comitibus Lüzelsteiniis funestum, re-
cruduit. Carolus cum Theodorico Mogunt. Archiepiscopo & Lu-
dovico, Bipontino Duce, Comites hos in Fridericum Palatinum
concitavit; cuius frater Ludovicus Elector haud ita pridem gra-
vi eos attriverat bello. Lüzelsteinii, una cum vicinis Lichten-
bergicis terras Schaffridi, Leiningensis Comitis, Palatino ami-
citia & vinculo vasallitico juncti, hostiliter aggressi, eas ferro
flammisque vastarunt. Sopiendis his litibus conventum Hei-
delbergæ Palatinus instituit. Brandenburgicus ibi & Badensis,
Marchiones, Lüzelsteinensium partes tuiti sunt. Palatinus forti-
ter pro Leiningensi differuit. Magna verborum contumelia dif-
fessum est. Palatinus qui Imperialium Alsatiae Civitatum Præ-
fecturam, Domui sive oppigneratam, tum quoque gerebat, Lü-
zelsteiniis intulit bellum; occupataque, bimestrem post obsidio-
nem,

(*c*) CRVSIVS loc. cit. pag. 385.(*d*) Conf. vita Jacobi A. 1449.

nem, Lützelsteinia arce & Comitibus in exilium actis, Comitatum eorum sibi vindicavit. (e)

§. III.

Eodem anno Carolus noster profectus in Austriam, bellicas ibi turbas, quae Friderico IV. Imp. affini ejus, a Romana expeditione & coronatione reduci, exortae sunt, compositus arbiter. Hungari, Bohemi, Austrii Regem suum, Ladislauum Posthumum, XII. annorum adolescentem, cuius tutelam proximus sanguine gesllerat Cæsar, (f) sibi tradi petebant. Austrii maximo rem ardore aggressi, junctis sibi Hungaris, Bohemis, Moravis, Neostadium Austriacum, ubi Cæsar morabatur, obsidione cinxerunt. Cæsar aliquot dierum inducias pactus, cum Salisburgensi Archiepiscopo, Frisingensi ac Ratisbonensi Episcopis civitate egrefsus, cum adversæ factionis Principibus de pace tractavit. At res nullo modo componi, nec induciarum tempus potuit prorogari. Desperatum de pace. Marchio solus apud hostes remansit, novoque colloquii die impetrato, una cum Episcopis, pacis leges

Tom. II.

U

(e) TRITHEMIUS in *Chron. Hirsaug.* ad A. 1452. PAULUS HACHENBERGIUS in *historia de vita ac rebus gestis Friderici I. Palat.* Lib. II. p. 37. seqq. ALSATIA ILLUSTRATA Tom. II. pag. 197.

(f) Friderici IV. Imp. Avus fuit Leopoldus Pius, Austriæ Dux; cuius frater Albertus erat Proavus Ladislai posthumi.

proposuit; ut obsidione soluta, Ladislaus Comiti Ciliæ gubernandus traderetur; donec in conventu, qui festo Martini Vindobonæ habendus, decerneretur, ubi educari, & per quos rex Ladislaus deberet.

Ad conventum hunc tres Episcopi, duo Bavari Duces, Brandenburgicus & Badensis Marchiones destinati fuerunt, qui auditis utriusque partis rationibus rem omnem componerent. Conditiones hæc, adnitente præfertim Carolo nostro, Neostadii probatae fuerunt. Austriae interea traditum sibi Ladislaum Regem, contra fidem, quam dederant, Vindobonam ducentes, nomine ejus gefuerunt regimen. Destinatus conventui cum illuxisset dies, & præter ceteros Carolus noster atque Aeneas Sylvius a Cæfare legati adestent, Austriae Neostadiensi conventione se teneri negarunt, quod Ladislao tutela exempto, suorumque armis libertati restituto, iniquum videretur, victori leges præscribi a victo. (g) Austriae hæc turbæ in annum 1452. inciderunt.

§. IV.

Patri succedit.

A. 1453. Carolus noster cum Georgio & Bernhardo fratribus Jacobo patri successit. Anno sequenti Georgius, ad Ecclesiam transiens, Carolo & Bernhardo portionem suam; Bernhardus

(g) AENEAS SYLVIUS in *historia Friderici Imp.* in SCHILTERI *Scriptorib. Rev. German.* pag. 114. GERARDUS A ROO *Histor. Austr.* Lib. VI. pag. 208. seqq. FUGGER. *Ehrenspiegel* Lib. V. cap. 8. pag. 590. seqq.

brevi post regimen terrarum Carolo fratri soli reliquit; ut vitæ eorum nos docebit historia. Ab eo tempore Carolus tam sua, quam Bernhardi fratris auctoritate Marchiam rexit, signatis utriusque nomine Chartis, usque ad A. 1458. quo Bernhardus decessit.

Carolus a Burcardo Abbe & Conventu Tennebacensi
A. 1453. Advocatus electus est. (h)

Fridericus IV. Imp. literis, eodem anno Neostadii datis, facultatem ei concessit, Castrum Ortenberg & Ortenaviae Civitates Offenburg, Gengenbach, Zell, id est, Præfecturam Ortenavicum ab Episcopo Argent. pretio oppignerationis soluto, redimendi. (i)

§. V.

Præfectura Imperialis Ortenaviae, uti Alsatica, Suevica Rræfæctura aliaque, libera erant Imperii domania, quæ urgente necessitate Cæsares pro parata pecunia dederunt in pignus. Ortenavica
A. 1334. Ludovico Bavarо Imp. ordinante, in Badensium Marchionum manus pervenit. (k). Carolus IV. A. 1351. peculiari Diplomate ad Episcopum Argentinensem, Bertoldum de Buchek Præfecturam hanc transtulit, qui deficientibus nummis, Argenti-

Tom. II.

U 2

(h) Codex Diplomat.

(i) Literæ extant in Tabulario Bada-Badeni.

(k) Adi supra Lib. IV. cap. 3. §. 3. pag. 45.

CAROL.I.

nense telonium Badensibus tradidit. Rupertus I. Palatinus Elector A. 1365. à Carolo Imp. potestatem accepit, Praefecturam ab Argentinensi ut relueret Episcopo. Mansit tamen in potestate hujus Ecclesiæ usque ad Wilhelnum à Dieft, qui A. 1404. acceptis vicies & ter mille cum quingentis florenis dimidiā ejus partem Ruperto Imperatori, ut Electori Palatino, gratiæ ejus conciliandæ causa, concessit. Dimidia hæc pars penes Electores Palatinos; altera penes Argentinenses Episcopos mansit. Hanc Carolus noster ut redimeret, Literis, quas allegavimus, Fridericus Cæsar A. 1453. concessit.

Idem Cæsar ad Praefectoriales Ortenaviæ Civitates A. 1462. prescripsit, (*l*) ne futuris temporibus Fridericum Palatinum, sed Carolum Badensem, agnoscerent Praefectum. Ita omnis Praefectura ad Badenses rediisset. Res tamen in pristino statu permanuit. Palatinis Electoribus pars eorum dimidia ante bellum Palatino-Bavaricum A. 1504. non fuit erepta.

Non rara fuit Cæsarum consuetudo, ut oppigneratas Imperii terras reluendi facultatem concederent; reluitio tamen non fieret, (*m*) vel ob pecuniæ defectum, vel quod possessor, opibus

(*l*) Extant hæc Literæ in Tabulario Bada-Badensi.

(*m*) Advocatiæ Suevicæ, Friderico Bavarо oppigneratæ, reluitionem Leopoldo Austrio Wenceslaus Cæsar A. 1379. permisit, & illa tamen sub Ruperto Imp. nondum penes Austrios fuerat. MARTENE Collectio ampliss. Tom. IV. Col. 33. num. 19.

potens, pignus in alium transferre recusasset; id quod Carolus quoque noster expertus est; qui nec Palatinum nec Antistitis Argentinensis obtinuit partem.

§. VI.

Eodem tempore (1453) octavam Lichtenbergicæ Dynastiae partem à Ludovico Dynasta obtinuit Carolus; illam præfertim, quæ in Ortenavia Marchiam tangit. Fœdus quoque initum; virtute cuius Ludovicus Carolo A. 1457. bellum gerenti, suppetias tulit. (n)

In Comitiis Francofurtanis mense Septembri A. 1454. belli Turcici causa habitis, Carolus una cum Brandenburgico & Æneo Sylvio Gurcenfique Episcopo Cæfaris vices peregit. (o)

Eodem anno Fridericus Imp. literis Neostadii datis, (p) Carolo & Bernhardo Marchionibus tuitionem Eslingæ, Sueorum Civitatis liberæ commisit. Virtute harum literarum per LX. annos in protectionem Badensem Eslinga recepta est. (q)

U 3

(n) HERZOG. *Chron. Alsatiaæ* Lib. V. pag. 18.

(o) GOBELLINUS *Bonnenfis Vicarius*; Pio II. Pontifici à secretis Epistolis, *Commentariorum Pii II.* Lib. I. pag. 23.

(p) Die Veneris post Martini.

(q) Utrumque instrumentum vide apud D A T T. *de pace publ.* Lib. II. cap. IX. num. 15. & 17.

CAROL.I.

A. 1455. Imperator, scripto Neostadii diplomate, Carolo & Bernhardo fratribus privilegia, quæ sequuntur, concessit: (r)

1. Quicunque in Marchionum terris facinus aliquod perpetraverint, res in eorum judicator tribunalibus.

2. Si quis hereditaria prædia in Marchionatu teneat, & de iis controversia nascatur, coram judicio, in cuius districtu sita sunt, expediatur negotium.

3. Ne quis Marchionum Badensium subditos aut officiales, rationibus nondum redditis, dominis invitatis recipiat cives. (s)
Huc usque Carolus comparuit pacificus.

§. VII.

Bellum
Palati-
num.

Arctum, quo Friderico Cæsari Marchio noster fuerat junctus, affinitatis vinculum frequentibus cum Electore Palatino, cui Cæsar semper adverfabatur, litibus dedit occasionem. Hic indignatus est pactum, quo Philippus Ingenuus in patruum contulerat Electoratum: Fridericus ex tutore Electoris evasit Elector; Philippum, quem adoptaverat, nonnisi mortuus successorem habiturus. Carolus, Cæsaris, affinis sui, auctoritate inductus, Fridericum Electorem agnoscere recusavit.

(r) Die Lunæ post Palmarum.

(s) Diploma hoc extat apud LUNIG. Reichs-Archiv Parte speciali Continuat. II.

* IVte Abtheilung, IXter Absatz pag. 941. & apud SCHILTER. Script. Rer. German. in Codice Dipl. pag. 98.

Inter hæc novus Elector agnato suo, Ludovico Nigro, Bipontino, Stephani Simmerensis filio, perpetuo suo æmulo, intulit bellum & Tabernas Montanas A. 1455. obsedit. (t) Belli hujus occasione constitutus est dies, quo discordia Fridericum inter fratresque Badenses dirimerentur, & quidem Neoburgi; quod castrum ad Navam, olim caput Comitatus. (u) Placati ibi sunt animi hostiles. Duos inter Marchiones Badenses ad coenam sedit Fridericus, brevique post Badæ eosdem invisit, multis lætitiae testimonii exceptus. Marchiones Heidelbergæ vicissim inviterunt Electorem festo Simonis & Judæ. Tum denique lis illa de investitura Castrorum *Graben & Stein*, quam constanter recusaverat Jacobus, a filiis terminata est Ille quidem à Friderico, ut tutore Electoris Philippi, hæc feuda accepit, sed ab eo, ut Electore, ea recipere recusaverat. (x) Enimvero ad officium vasalli obstrinxit se Carolus, si Curiæ Electoralis Palatinæ Pares ex ordine Comitum id faciendum esse feudali declarayerint judicio. Judices federunt septem Philippus scilicet de Catzenelnbogen, Hesso

(t) De bello hoc *TRITHEMIUS* in *Chronico Hirsaug.* ad A. 1455. ubi Tabernas montanas, in festo Tiburtii Martyris, a Friderico Electore expugnatas fuisse tradit.

(u) Schloss Neuenburg hodie Naumburg ad Navam. Eberhardum Comitem de Neuenburg memorat *KREMER*. de *Comitibus Spanheim*. pag. 15.

(x) Narrat hæc *ANONYMUS PALATINUS*, temporis illius scriptor, cuius Codex in scriniis Electoralibus Palatinis servatur, idiomate Germanico scriptus pag. 84. 166.

CAROL.I.

de Leiningen, Guilielmus de Virnenburg, Philippus de Hanau, Philippus de Rieneck, senior Johannes IV. Rheingravius de Dhaun; Bernhardus de Eberstein.

Hi die 30. Octobr. A. 1455. novi Electoris postulata probarunt. Carolus satisfecit sententiae & solenni ceremonia vasallagium præstítit.

§. VIII.

Fœdus
cum Pa-
latino,
alioque.

Solennitatem decennale fœdus exceptit, *Unionem* (*y*) quod vocant. In fœdere hoc Carolus & Bernhardus fratres, Marchiones, cum Friderico I. Electore convenerunt, ut per conventionales, quos vocant, Austregas, orituræ inter fœderatos lites componerentur. Si Palatinus est actor, ex Confiliariis Palatinis arbitri duo, ex Badensibus duo sumantur, hisque communis, ex Badensibus Confiliariis addatur arbiter. Austregales hi judices convenient Bruchfalæ. Quodsi compositio non habeat locum, major suffragiorum numerus decidat. Arbitris (*z*) autem in duas discedentibus partes, arbiter communis (*a*) cui parti accedat, illa sit victrix. Sententia pronuntiata intra tres menses fortatur effectum. Res ita tractentur, si Palatinus contra Badenses sit actor. Quod si Badensibus contra Palatinum sit actio, eadem

Austre-

(*y*) Einung.

(*z*) Die Zusätze.

(*a*) Der Gemeine.

Austregalis Judicij observabitur ratio, nisi quod communis arbiter, ex Confiliariis Palatinis sumendus, diem judicij, Bruchfalæ habendum, indicet atque judicio præfit. Arbiter communis debebat esse indigena, ab omni obligatione liber. Hæc fœderis A. 1455. initi summa.

Eodem anno Marchio noster Georgio de Schauenburg, ex Ortenaviæ Nobilibus, adventitios inter Ellum Alsatiæ & Scheram homines dedit in feudum. (b)

A. 1456. Carolus ordini Antonianorum Ecclesiam in Niemburg prope Emmedingam tradidit.

A. 1457. idem Carolus cum civitate Argentinensi quinquennale fœdus percussit contra quoscumque. Moguntinus Antistes & Fridericus, Palatinus Elector, excepti. (c)

§. IX.

At anno sequenti mutata fuit animorum tranquillitas. Tum enim Carolus cum Theodorico Moguntino, Ludovico Bi- pontino, Alberto Austriaco, Alberto Brandenburgico, Ottone Ste- phanoque Palatinis, Ulrico & Eberhardo, Wirtenbergæ Comiti- bus Spiræ celebravit Conventum, cui etiam ex Comitum ordi-

Conven-
tus Spir.
contra
Palat.

Tom. II.

X

(b) ALSAT. ILLUSTR. Tom. II. pag. 694.

(c) Die Lunæ post festum Pentecostes. Instrumentum in scrinijs Argentinen- fibus extat.

CAROL. I.

ne plures interfuerunt. Actum ibi de foedere contra Fridericum Palatinum, cuius potentia cunctis ad Rhenum formidanda Principibus. Plerique de acceptis a Palatino injuriis conquesti sunt. Consiliis vero in diversa abeuntibus re infecta discessum est. (d) Carolus tamen cum Ludovico Bipontino decennale condidit foedus. Ulricus Wirtembergae Comes in Fridericum solus tum arma capeffivit. Hic Margaretham, Sabaudicam principem, Amadei I. Ducis filiam, Ludovici Palatini Electoris viduam, duxerat uxorem; cuius dotem a Friderico fratre injuste detineri cau- fatus est.

Turbæ eum Wirtemberg. Carolus Badensis de finibus cum Ulrico lites tum alens, in festa Wirtembergico agro intulit signa. Mox tamen cum Ulrico in gratiam rediit, (e) contra communem ut se defenderet hostem. Socium inter eos foedus paulo post initum reperio, (f) utriusque funestum.

Flagrantibus Wirtembergicum inter & Palatinum discor- diis, Carolus Ganerbiale Castrum Schauenburg, prope Oberkircham in Ortenavia situm, quod Nobiles Schauenburgici ab Ebersteinio Comite aliqua ex parte tenebant in feudum, occupavit. Palatinus, Praefecturæ Ortenavicæ dimidiæ possessor, composito

(d) LEHMANN. *Chron. Spir.* Lib. VII. cap. 102. pag. 850.

(e) HACHENBERG. *in vita Frid.* I. Lib. II. pag. 59.

(f) De foedore Carolum inter atque Ulricum A. 1460. die Martis post Matthæi inito, egit D A T T *de pace puhl.* Lib. I. cap. 27. num. 109.

Wirtembergico bello, Badense præsidium ejecit, pristinisque possefforibus restituit Castrum. (g)

§. X.

A. 1459. Carolus noster post Bernhardi fratris obitum totius Marchiæ regimen solus accepit.

Eodem anno ad Conventum Mantuanum, quem Pius II. Pontifex belli Turcici caufa indexerat, cum Eistettensi & Tridentino Episcopis, accepta a Cæsare potestate, contendit. (°) In eo Conventu Pontifex privilegia de exemptione subditorum ab exterris & Westphalicis præfertim Judiciis, Marchioni ab Imperatore collata, hac lege firmavit, „ut ejus subditi & terrigenœ ac etiam „ eis commissi & pro quibus respondere tenentur, quiqe in „ eorum tuitione (ADVOCATIA) consistunt, non debeant „ nec possint extra eorum dominia & judicia ordinaria patriæ „ pro quacunque caufa evocari, trahi aut citari, dummodo „ conquerenti coram ordinario judice justitia non denegata „ fuerit.“

Occulta Judicia, quæ vocabantur Westphalica, apud Germanos tum adhuc viguerunt. A. 1459. Carolus Eslingæ Civita-

Judicia
Westpha-
lica.

Tom. II.

X 2

(g) KEMNAT. Cod. Mspt. Palatinus & ex eo HACHENBERG. Lib. alleg.
pag. 62. In eadem Ortenavia Neuenstein fuit feudum Badense. Adi AL-

SATIAM ILLUSTR. Tom. II. pag. 694.

(*) GOBELINUS Commentar. Lib. III. p. 87.

CAROL.I.

ti quæ clientelam ejus agnoverat, per legatum injunxit, ne quis Civium Judicii Westphalici recipere tur Scabinus: Si qui autem jam fuerint recepti, ad judicia illa ne traherent concives; sed citationes, ab his judicibus factæ, in aulam suam mitterentur. Carolus inter ipsos Confiliarios suos tum habuerat Judicii Westphalici Scabinos, ad quos ante biennium Eslingenensis Civitas pro ilorum temporum provocaverat more. (°) At A. 1461. Carolus cum Friderico Palatino Electore, cum Ruperto Argentinensi Antistite, Alberto Archi-Duce Austriae, aliisque Principibus & Civitatibus Imperii adversus Westphalica Judicia foedus contraxit. (**) Maximilianus I. A. 1512. ea penitus aboluit.

§. XI.

Turbae
Mogunt.
A. 1460.

Eodem anno (1459.) mortuus est Theodoricus Moguntinus Elector. Pars Capituli Dietherum Isenburgicum, pars Nassoviae Comitem Adolphum elegit Antistitem. Fridericus Palatinus Adolphum, suffragiis licet inferiorem, defendendum suscepit. (h) Carolus Marchio, cum fratre suo Johanne, Trevirensi Archiepiscopo, Johanne Spirensi, Ludovico Bipontino Duce, Alberto Bran-

(°) DATT. *de pace publ.* Lib. IV. Cap. 4. num. 10. 11. 12. 67.(**) Instrumentum exhibet MULLER. in *Reichstags-Theatro sub Frider. IV.* I. Vorstell. Cap. IX. p. 126.(h) SERARIUS *Rerum Moguntiacarum* Lib. V. pag. 774. HELWICHIIUS *de disidio Moguntino* Seçt. I. num. 5. pag. 158. Tom. II. *Rer. Mogunt.*

deburgico & Ulrico Wirtembergæ Comite, in Dietheri partes transivit. Foederatis his Equester Nobilium Ordo quoque adhæsit. Conventus Norimbergam indictus. Invitatus Palatinus Elector, præsens ut suam ageret caussam. Confluentibus eo Principum legatis, Episcopus Eichstadiensis electus est arbiter, qui damnavit Palatinum. Ita bellum ei indictum est A. 1460. (i) Præcipuus turbarum auctor fuit Cæsar, gravi Fridericu proscutus odio, spretis Imperialibus jussis, quod retinuisset Electoratum, ut supra ostendi, quodque Ludovico Bavariae Duci, a Cæsare proscripto, subministrasset auxilia. Fridericus, firmato ad pericula animo, postquam finitimas sibi adjunxerat Civitates, atque Alberto Marchioni Brandenburgico, hosti, vicinum excitaverat hostem, Ludovicum Divitem, Bavariae Ducem, ipse cum Ludovico, Hassiae Landgravio, Moguntinum Archiepiscopatum adortus, occupato Schauenbergæ Castro, (k) ad Pfedershemium oppidum copias foederatorum prostravit, septemque Comites, Ebersteinum, Leiningensem, Nassovium, Hennebergicum, Runckelensem, Gleichensem & Isenburgicum, Heidelbergam in ca-

X 3

(i) TRITHEMIUS in *Chron. Hirsaug. & HACHENBERG.* in vita Friderici I. Lib. III. pag. 71. seqq.

(k) Schauenburg Castrum Archiepiscopale in Strata Montana tum a Friderico destructum. ZEILER. in *Topographia Palatinatus Rheni* pag. 30. & JOANNIS ad SERARIUM *Rer. Mogunt.* Lib. V. p. 774.

CAROL. I.

ptivitatem abduxit. (l). Expugnato Pfedershemio, tantum Diethero terrorem injectit, ut Badensi, Bipontino, Brandenburgico ceterisque foederatis exclusis, particularem cum Palatino inverit pacem.

Carolus
pacis ar-
bitr.

Hic omnem dein belli molem in Bipontinum convertit, qui post Pfedershemianam cladem Meisenhemium confugerat. Ibi a Friderico obfessus, in eas conjectus est angustias, pacem ut peteret supplex, quam interventu Caroli Badensis impetravit; qui & ipse paulo ante cum Friderico in gratiam redierat. Marchio cum Henrico Pappenhemio, Petro Cardinali & Episcopo Augustano, Johanne Eistettensi a Cæfare constitutus est, ut lites has Palatinum inter & Bipontinum componeret. (m)

§. XII.

A. 1460. cum Schauenburgicis Ortenaviæ & Alsatiæ Nobilibus (n) ob Schauenburgi & Bernbaci Arces orta sunt Carolo dissidia, inter quæ fratres ejus Georgium & Marcum, Nobiles isti ceperunt & in Isenheimensi Sundgoviæ arce tenuerunt captivos. Carolus Isenhemium obsedit. Fridericus I. Elector Palatinus, Imperialium Civitatum Alsatiæ præfectus, Goerzium de Adelsheim,

(l) TRITHEMIUS & HACHENBERG. locis alleg.

(m) Tabular. Bada-Badense.

(n) Schauenburgicam familiam exponit ALSATIA ILLUSTR. Tom. II.
pag. 693.

subpræfectum suum misit, ut turbas componeret. Conditiones,
sub quibus liberati sunt captivi, in Georgii exponimus vita.

Eodem anno Carolus Dieterico de Gemmingen propter of-
ficia, patri, fratribus ipsique exhibita, castrum & vicum Stei-
neck, vicos Dieffenbronn, Hamberg, Schellbraun, Hohenwarth,
Neuhaußen, Mülhausen & Lehnigen, cum juribus annexis &
speciatim silvam *Hagenschies* aliaque, quæ Jacobus Marchio a
Gemmingensibus & Hirsaugensi monasterio acquisiverat, literis
Pforzheimii datis, in feudum concessit. (o)

Tunc temporis quoque a Pio II. Pontifice obtinuit Caro-
lus, ut Parochialis S. Michaëlis Pforzheimenium Ecclesia, cum Collegia-
ta Pforz-
heim.

XXI. Capellaniis, ad eam pertinentibus, in Collegiatam con-
verteretur. (p) Creati sunt XII. Canonici totidemque Vicarii.
Decanus constitutus est Capituli præses. Hoc Principi suo pro-
misit, non adquisitum se bona, quæ ei precarias, prestarias
aliave tributa persolvunt.

§. XIII.

A. 1461. novas in Germania turbas excitavit Ludovicus Turbae
Dives, Bavariæ Dux, Episcopum Eistettensem bello aggressus. Mogunt.
Imperator Ludovicum ejusque socium Albertum Austriacum ho-
stes publicos dixit, atque Alberto Brandenburgico, Carolo Baden-

(o) LÜNIG. *Reichs-Archiv Parte speciali Continuat.* III. pag. 151.

(p) Bulla data est 3. Kal. Decembr. 1460.

CAROL.I.

fi & Ulrico, Wirtembergæ Comiti, summam belli in eos commisit. (q) Expeditionibus contra Ludovicum non interfuit Carolus; de sua securitate sollicitus. Fridericus enim Palatinus Elector, novos eodem tempore motus concitavit. Dietherus, nuper electus Moguntinus Praeful, & a Pio II. Papa probatus, libertatis Ecclesiasticæ Germanorum defensor, moveri non potuit, ut solveret Annatas, aliisque in rebus, quas Pontifex ab eo exegit, præstaret obsequium. Depositus ergo Papali sententia, eique suffectus est æmulus, Adolphus Nasloviæ Comes, quem armis nuper defenderat Fridericus Elector. Hic jam in contraria verfus, una cum Landgravio Hassiæ, Cattimeliboci & Ifenbürgi Comitibus defendit Dietherum, Papæ Cæsarie exofum. Dietherus Ecclesiæ Moguntinæ castra & oppida plura Stratamque Montanam pro sumptibus belli tradidit Friderico Palatino; addita lege, ut omnia in potestate ejus manerent, donec centies mille redimerentur florenis. Mira rerum converfio. Pro Adolpho stant Principes, qui anno superiore in eum gladios strinxerant; & inter hos fratrum Badensium triga, Trevirensis & Metensis Antiftites cum Carolo Marchione. (r) Huic Adolphus stipendii nomine

Alges-

(q) Am Pfingsttage nach S. Margarethen Tag.

(r) Adolphus, ex Nasloica gente ortus, Badensium erat patruelis. Mater ejus fuerat Margaretha, filia Bernhardi Marchionis. JOANNIS ad SERARIUM Rer. Mogunt. Lib. V. pag. 778.

Algeshemium, Gaubeckelenhemium, Drommershemium, Ockenhemium, Windeshemium, Kembdenium, cum vectigalibus non nullis quoque contulit in pignus. (s) Palatinus loca quaedam eripuit Adolpho. Marchio Elveshemium clauerat obsidione, sed re infecta recessit. (t)

§. XIV.

Pius II. prosperis Friderici successibus injecturus moram, Dietherum, Fridericum & socios diris repetitis devovit. (u) Fridericus Caesar publicos eos judicavit hostes; ac Imperii Civitatis injunxit, ut a perduellum societate recederent. Dietherus, Ordinibus innocentiam probaturus, non modo a Pontifice ad generale provocavit Concilium, sed & scripto ad Principes & Civitates in publicum edito de injuria fibi facta conquestus est, injesta Pontificis sententia se dignitate privatum, quod libertatem & jura Imperii contra eum defenderit. Adolphum, Johannis Treirensis, Ludovici Veldentini, Caroli Badensis & Joannis Nasslo-

Dietheri
& Palat.
proscri-
ptio.

Tom. II.

V

(s) TRITHEMIUS in Chron. Hirsaug. ad A. 1461. JOANNIS ad HELWICHUM de dissidio Mogunt. Sect. III. pag. 161. qui infuper addit, singula hæc loca a Carolo A. 1466. Philippo Comiti Cattimelibocenū fuisse oppignerata.

(t) HACHENBERG. Lib. IV. pag. 114.

(u) A. 1462. HELWICHII & JOANNIS loc. alleg. pag. 163. & 164. MÜLLER. Reichstags - Theatr. sub Frid. III. IVte Vorstellung. cap. 22. §. 3. pag. 128.

CAROLI.

vii auxilio fultum, contra fidem, jurejurando adstrictam, delatum a Pontifice sacerdotium usurpare; spreto ac rejecto Principum, quos controversiae componendae nominaverat, judicio. Adit porro socios Adolphi nexu vasallitico sibi esse devincentes; Carolum Badensem sibi plurium annorum societate conjunctum; cuius formula cautum, ne dicto factove alter alteri injuriam inferret, ejusve hostibus consilium praebiceret aut opem. Enumerat deinde Principes, quorum arbitrio controversiam submittit. (x).

§. XV.

Marchio
Dux belli
contra
Palat.

Marchio e contra & socii multis de causis defendendum sibi Adolphum putarunt. Praecipua fuit, quod Fridericus Palatinus, contemta Cæsaris & Pontificis auctoritate, dictatorem Germaniae ageret; omnibus finitimis minitans jugum. Imperator litteris mense Majo A. 1461. datis, (y) Carolo Marchioni, Ulrico & Eberhardo Wirtembergæ Comitibus bellum contra Palatinum commiserat, (z) alioque anni in sequentis diplomate (a) Civitatibus Præfectorialibus Alsatiæ injunxerat, ut Fridericum, Cæsari

(x) Scriptum hoc, die Martis post Dominicam Lætare A. 1462. datum, exhibet LEHMANN. *Chron. Spqr.* Lib. VII. cap. 105. & MÜLLER. in *Reichstags-Theatro sub Friderico III. IVte Vorstell.* cap. 20. §. 1. p. 113.

(y) Die Lunæ ante Ascensionis.

(z) Die *Reichs-Hauptmannschaft*.

(a) Ciliæ dato,

refractarium, non agnoscerent Praefectum, sed Marchionem Badensem. Similes literas eodem die ad Praefectoriales Ortenaviae Civitates perscripsit, (b) ut supra notavi.

Fridericum ergo Marchioni graviter iratum quis tandem mirabitur, quum ad frangendas Palatini opes Cæsar uteretur Badensibus. Extat in scriniis Palatinis libellus ad Imperii Principes, acri stilo Marchionem perstringens, decennale quod fregerit foedus & vasalliticam fidem. Marchio violenta Palatini consilia publico quoque scripto exposuit; actorum suorum caussas Cæsar is ac Pontificis judicio adscribens. (c)

Ut autem fortunas suas contra Palatini vim efficacius defenderet, cum Johanne Spirensi, Ludovico Bipontino & Ulrico Wirtembergico die Martis post Palmarum A. 1462. arctius foedus inivit, quo cautum, ut junctis viribus Diethero & Friderico bellum inferrent, nec ante ponerent arma, quam in Moguntina sede confirmarint Adolphum. (d)

Ineunte igitur anno 1462. magnis animorum motibus instauratum est bellum; ita quidem ut cædibus, incendio, rapinis

Tom. II.

V 2

(b) Extant Literæ in Tabulario Bada-Badeni.

(c) Apologia Marchionis, die Veneris post Exaudi A. 1462. scripta, una cum literis ad Wilhelmum, Saxonie Ducem, extat in MÜLLER. loc. alleg. cap. 22. p. 129. seqq.

(d) JOANNIS ad HELWICHII *de diffidio Moguntino* Sect. IV. p. 164

CAROL.I.

utrimque fæviretur. Carolus dupli via in Palatinatum irrupt, atque obfessio Neoburgi Castro, Electorem, in Moguntinis terris hærentem, ad sua defendenda excivit. (e)

Philippus Burgundiæ Dux & Theodoricus Colonensis Præful inter belligerantes instituerunt colloquium prope Moguntiam, ubi conventum, ut re denuo cum Principibus deliberata, legati d. V. Julii cum potestate componendi pacem Francofurtum venirent. (f) Bada-Badense Tabularium exhibet Literas, scriptas Heidelbergæ die Mercurii post festum Corporis; ex quibus apparet, inter ipsum Fridericum & Carolum de arbitris constitutis super lites, quæ jam ab A. 1461. inter ipsos ortæ, serio actum fuisse.

§. XVI.

Pugna Se-
ckenhe-
miana.

Rebus ita dispositis fama, ab ipso Friderico haud dubie sparsa, increbuit, eum cum copiis in Bavariam abiisse. Fama hac Marchio & frater ejus, Metensis Antistes, Johannes Spirensis Episcopus, Ulricus Wirtembergæ Comes excitati cum sex mille peditibus & octingentis equitibus terras Palatinas invaserunt. Heidelsheimum oppidum obsidione cinxerunt; quod cum bene munitum ac defensoribus instructum deprehendissent, soluta obsi-

(e) Cel. KREMER. in *vita Friderici Victoriæ*, quæ jam sub prelo Lib. III.

§. 27. & 31.

(f) NAUCLERUS ad hunc annum, HELWICHTUS de diffidio Moguntino Sect. VI. pag. 172.

dione, haud procul ab Heidelberga castra posuerunt. Tria peditum millia & equites quadringenti, ab Adolpho in subsidium misfi, se fœderatis junxerunt. Hi, relicto in castris peditatu, cum octingentis equitibus (g) in campo late patente Rhenum inter & Nicrum, juxta Seckenhemium, Pagi Lobodunensis vicum, palantes quum agerent, rerum suarum nimium securi, Fridericus, quem longinquum crediderant, eos ex improviso aggressus est d. XXIX Junii ex silva vicina cum mille equitibus (h) subito prorumpens. Singuli equites suum peditem vehebant; qui ex equis defilientes hostem imparatum adorti, ad dditionem coegerunt. Spirensis Episcopus solus evasit. Ceteri omnes capti. Marchio cum Johanne Fleckensteinio XXVI. Dynastis & CXX. Nobilibus in Friderici Palatini potestatem pervenit. Pauci occubuerunt in prælio. Copiae, quæ in castris remanserant, audita Principum clade, sibi fuga consuluerunt. Victor a cæde fugientium abstinuit, copiisque reductis eodem, quo pugnatum est die, Ludovicum Bavariæ Ducem, socium, de victoria & trium Principum captivitate literis reddidit certiorem. (i)

Y 3

(g) Numerum hunc ipse Fridericus vñctor in literis ad Bavarum ponit.

(h) HELWICHII Seçt.VI. cum TRITHEMIO ait, Fridericum 700. Equites habuisse illisque 300. addidisse Dietherum.

(i) Literæ hæ extant apud CRUSIUM Annal. Suevicor. Lib. VII. Part. III. pag. 409. LEHMANN. Chron. Spir. Lib. VII. cap. 106. pag. 865. & seq.

§. XVII.

Marchio
captivus.

Principes Heidelbergam ducti XIII. mensium captivitate in arce detenti sunt. (k) Carolum prae reliquis durius habuit Fridericus, vinxitque catenis. (l)

Annus hic Moguntinæ Civitatis libertati quoque fuit fatalis. Adolphus enim, sociis suis licet devictis, animo tamen invictus urbem die XXVII. Octobr. ejusdem A. 1462. nocturno tempore occupavit sibique adeo & successoribus in perpetuum subjecit.

Typographiae Faustianæ & Schefferianæ literarum fusarum sodales, Moguntinis huc usque muris inclusi, occasione hac per Europæum dispersi sunt orbem.

HELWICH. de diffidio Moguntino Seçt. VII. pag. 176. In campo pugnæ monumentum victoriæ dein ponì curavit Fridericus.

(k) TRITHEMIUS in Chron. Hirsaug. A. 1462. ex quo FREHERUS peculiari libello imprimi curavit vitam Friderici I. Palat. cui notas adjecit. GOBELLINUS in Commentariis Pii II. Lib. IX. HELWICH. loc. alleg. Traditio est, primas epulas captivis sine pane exhibitas, quod fetiges perdidissent, quam rejicit FREHERUS in notis ad TRITHEMIUM de vita Friderici.

(l) Ita ANONYMUS scriptor Palatinus illius ævi in Tabulario Palatino Elektoral servatus. GOBELLINUS in Commentariis Pii II. Pont. Lib. IX. pag. 121. ait: „ Carolus Badensis captus & manicis vincitus ferreis, in „ carcerem tetrum raptus est. „ Ulricus quoque Wirtenbergicus, litteris ex carcere datis, conquestus est, se in vincula conjectum lignea,

Finiendis his ad Rhenum & in Bavaria turbis, liberandis-
que Principibus, conciliante Georgio, Bohemiae Rege, conven-
tus Neostadii Austriae & Pragæ A. 1463. instituti sunt. Ad quos
legati ex omni fere Germania properarunt. Composita pax inter
Cæsarem & Bavariae Ducem, sed cum Palatino victore res transi-
gi non potuit; quod investitaram Palatinatus pertinaciter ei Cæsar
negaret. (m) Pius II. liberandis e captivitate Principibus, ad
Philippum, Burgundiae Ducem, se convertit, datisque ad eum li-
teris & misso Francisco Toletano legato, eum hortatus est, ut af-
flictam Adolphi Nassovii & captorum Principum fortunam suis
opibus erigeret; (n) sed nihil profecit. Onuphrium Tricaricen-
sem denique præsulem & Petrum Ferrici, Decretorum Docto-
rem ad Palatinum allegavit; quibus Brandenburgicus Marchio
& Henricus Pappenheimius sese junxerant, Cæsar's legati. (o)

cippo & pedica constringi. Notanda hæc contra Hachenbergium aliosque
rerum Palatinarum & Moguntiacarum scriptores, qui Fridericum libera-
liter habuisse captivos prescribunt.

(m) Literas has Pii II. Pont. exhibet *Auctor Anonymus Paraleipom. Ursperg.*
pag. 320. HELWICHII loc. cit. Sect. VIII. pag. 178. & MÜLLER.
loc. alleg.

(n) HACHENBERG. Lib. V. pag. 149.

(o) In Bada-Durlac. scriniis extant literæ Adolphi, Electoris Mogunt. & Al-
berti, Marchionis Brandenburg. ad Marcum, Canon. Argent. filium Caro-
li, quibus eum hortantur, ne turpes aut duras conditions pro Patre
ineat cum Friderico I. Electore Palatino.

CAROL.I.

Horum interventu Principes libertati restituti fuerunt Anno 1463. (p)

§. XVIII.

Duris
conditio-
nibus li-
beratur.

Carolus noster (q) Dominica Reminiscere A. 1463. Litteras tradidit Electori, quibus ei pro damnis illatis, superiorem Comitatum Spanhemio-Cruzenacensem, cum omnibus, eo pertinentibus, concessit, ita tamen, ut XXXXV. mille florenorum Rheni pretio relui posset.

Eodem

(p) De conditionibus, quibus ceteri dimissi sunt Principes, vide TRITHMIUS. TSCHUDIUS Chron. Helvet. Tom. II. pag. 623, seq. in lytro Principum definiendo erravit, uti & HACHENBERGIUS in Histor. Frid. I. Lib. V. pag. 149. ubi de Georgio Metenium praefule *quadrungenta quinque millia* legitur, sed legendum: *quadraginta quinque millia* & p. 150. lin. 6. ubi de Carolo March. Badensi *quinquaginta millia* florenor. legitur, sed legendum: *quadraginta*. Erravit hic quoque ANONYMUS in Chron. Wirtenb. apud SCHANNATUM Viadem. Literar. Collect. 2. NAUCLERIUS fol. 966. Item ANDREAS PRESBYTER in Chron. Bav. apud SCHILTER. Script. Rer. Germ. pag. 64. Falsa hinc inde vel erronea de hoc bello vide in ANONYMO Chronic Thuring. & Hesse in SEHCKENBERG. Select. Juris & Histor. Tom. III. p. 435.

(q) TRITHMIUS in Chron. & in Rebus gefisi Friderici Palat. oppidum hoc Bonheim sive Bensheim vocat corrupte. Idem loc. alleg. juri quoque vendandi pescandique inter Selsam & Germershemium renuntiasse Carolum falso scribit. HELWICHIIUS de diffilio Megunt. Sect. X. pag. 180. & Elella Juris publici Palat. Part. II. p. 76. 84. 154. 166.

Eodem anno & die tradidit Friderico Electori Castrum & oppida Besigheim & Beinheim, (r) cum vicis Lœchickheim, Walheim & Freudenthal, ita quidem ut XXXV. mille florenis reliubiles essent.

Renuntiavit quoque Carolus fœderi, quod cum Ulrico Wirtemberg. & Episcopo Spirenſi iniverat. (s) Contractus matrimonialis, inter Caroli I. filium & Ulrici, Comitis Wirtemberg. filiam initus, hac conventione rescifsus est.

Præterea XX mille florenos Electori se parata pecunia, certis temporibus pro sua & fuorum liberatione soluturum die Mercurii post Judica promisit.

Die Lunæ post Oculi 1463. Carolus renuntiavit juri redimendi Heidelsheim ut & Eppingam, quam pignus Imperii Marchiones possederant; Bernhardus Marchio, Ludovico Electori Palatino pro X mille florenis oppigneraverat. (t)

Die Mercurii post Quasimodogeniti idem Carolus Friderico promisit, se intra anni spatium cum Papa & Imperatore eum reconciliaturum, litesque inter Dietherum & Adolphum compositum esse, ex placito Electoris. Reconciliatio si non habitura fit

Tom. II.

Z

(r) Vide nota (q) pag. 176.

(s) Lege supra ad A. 1462.

(t) *Codex Mſcript. Anonymi Spirenſis*, coætanei scriptoris, in Palatino Electori Tabulario & Tolnerus in *Hijlor. Palat.* p. 66.

locum, XXX mille florenos, præter summas prædictas, se soluturum, Marchio promisit. Metensis Episcopus & Ulricus Wirttemberg. singuli quoque X. mille florenos Electori se soluturos sponderant, Papa si flecti non posset.

Præter hæc omnia Pforzhemium quoque Castrum & oppidum Palatino in feudum masculinum, XL. mille florenis reliibile, offerre coactus est Marchio. (u)

Quin & juribus suis in Castrum Neuen-Beymberg, in Castrum & vallem Nanstul, renuntiavit Carolus; Friderico permittens, ut Greventhan & Leiningæ Veteris partem relueret.

Conventum est denique, ut Elector jus conductus Bretta Pforzhemium, Marchio Pforzhemio Brettam exerceat.

§. XIX.

Palati-
num cum
Mog. Cæ-
fare &
Pont.
conciliat.

Ita cum Friderico Palatino & sociis reconciliatus est Carolus. Dietherum inter & Adolphum mox conciliavit inducias; (x) ejusdem auctoritate in pacem conversas. Dietherus oppidis quibusdam, quoad viveret, retentis, Moguntini Antistitis dignitati renunciavit. (y)

(u) A. 1740. Carolus Fridericus Marchio jus hoc ab Electore Palatino redemit.

(x) MÜLLER. in *Reichstags-Theatro sub Friderico III. IVte Vorstell. cap. 32.*

(y) GUDENUS *Cod. Dipl. Mogunt.* Tom. IV. pag. 375. GOBELLINUS in *Comment.* Lib. XII. pag. 345. HELWICHII & JOANNIS loco cit. pag. 189, & 190.

Post hæc Carolus de Friderico cum Pontifice Cæfareque reconciliando follicitus, Oeringæ, Comitatus Hohenloici oppido, die Martis post Dominicam Esto mihi, A. 1464. conventum instituit; ubi præsentibus Onufrio Tricaricensi & Petro Ferrici Legatis Pontificis; Alberto Marchione Brandenburgico & Henrico Pappenhemio, Oratoribus Cæfaris, statutum, ut Fridericus Palatinus, die Lunæ post Lætare per eosdem legatos diris expediretur Wormatiæ. (z) Bulla absolutionis a Pontifice missa; adnitente præsertim Adolpho Moguntino; qui farciendis, quæ in bello hoc acceperat damnis, triginta florenorum millia Carolo Badensi transcripsit. (a) Hic eodem anno triennale fœdus cum Eberhardo Wirtembergæ Comite inivit.

Vix sopitæ fuerunt Rheni Superioris turbæ quum A. 1465. Galliæ Belgicæ motus eum vocarunt ad Mosam; de quibus in fratri ejus Marci differemus Historia.

§. XX.

A. 1467. Henricus Wirtembergæ Comes, Coadjutor Moguntinæ Ecclesiæ ab Adolpho creatus, propter constantem Friderici Palatini dissensum, arbitrali Caroli Marchionis sententia di-

Tom. II.

Z 2

(z) JOANNIS ad SERARIUM *Rer. Mogunt.* Lib. V. p. 780.

(a) JOANNIS ad SERARIUM loc. alleg.



CAROL.I.

gnitatem iterum deposuit, præfectura Bischoffshemiana fibi modo servata. (b)

A. 1468. Sigismundus Dux] Austriae ut & Equester D. Georgii in Suevia ordo, fœdere Villingæ inito, fœderis judicem Carolum Marchionem constituerunt. (c)

Eidem Fridericus IV. Imp. propter operam, quam exercitus Imperii Præfetus nupero bello Cæfari navaverat, speciale privilegium tribuit, (d) ut qui in Marchicis terris habitarent, dubiis natalibus orti, (*Bastard*) solius Marchionis, nec ullius alterius juri subessent. Sed & alio diplomate a Cæsare tum obtinuit Marchio, ut impediendis vectorum fraudibus, intra unum a Pforzhemio milliare, non super consueta tantum, sed alia quacunque via exigi posset veſtigal.

Austriacam Alsatiæ & Brisgoviae Præfecturam tum temporis administrasse Marchionem, jam alibi obſervavimus. (e)

(b) GUDENI *Cod. Diplomat.* Mogunt. Tom. IV. pag. 402. & JOANNIS ad SERARIUM loc. alleg. pag. 784.

(c) DATT de Pace publ. pag. 249.

(d) Datae sunt literæ Græciæ die S. Marci. Extant in LUNIGGI *Reichs-Archiv Part. Spec. Cont. II. IVte Abtheilung*, neunter Absatz pag. 942. & in SCHILTERI *Scriptor. Rer. Germ. inter Diplom.* pag. 99.

(e) ALSAT. ILLUSTR. Tom. II. pag. 598. Præfectura hæc Austria Alsatiae & Brisgoviae diversa fuit a Præfectura Alsatica decem Civitatum, quæ Imperialis, non Austria Alsatiae fuit.

A. 1469. Carolus ulteriorem Spanheimensem Comitatum, pignoris jure, Palatino tradidisse scribitur; (f) quo anno cum Eberhardo & Ulrico, Comitibus Wirtembergæ, foedus Brettæ contraxit; (g) sequenti tamen anno ipse & Stauffenbergenses Alsatiae Nobiles iisdem Wirtembergicis bellum denuntiarunt; viciis aliquot exustis compositum. (h)

§. XXI.

A. 1471. Carolus cum Christophoro filio ad Comitia Ratisbonensia se contulit; quæ belli Turcici causa Fridericus Imp. indixerat. Hic Ratisbonæ agens, Carolo ejusque successoribus & subditis perpetuam immunitatem a vectigali Kogenheimensi prope Bensfeldam Alsatiae concessit, (i) quod a Wilhelmo, Argentinensi Episcopo, Hittenhemii & Matzenhemii erectum, a successore Ruperto in Kogenheim translatum. Imperator vectigal hoc tanquam illicitum & absque consensu decessorum suorum institutum perstringit.

Acta ab
A. 1471.

Z 3

(f) *Electa Juris publici Palatini* Part. II. p. 166.

(g) *DATT* pag. 194. & 249.

(h) *CRUSIUS Annal. Suev.* Lib. VII. Part. III. p. 431. & *HERZOG. Chron. Alsat.* Lib. II. p. 127.

(i) Die Lunæ post Margareth. Extat Diploma in *L V N T G. Reichs-Archiv* loc. cit. p. 943. & *SCHIL TER.* loc. alleg. p. 100.

CAROL.I.

In iisdem Comitiis legati quum comparuissent Spirenses, deprecaturi bellum, quod Friderico Palatino Imperator indixerat, causam suam Carolo Marchioni, quod magna ejus apud Cæfarem auctoritas, commendarunt. Carolus ab Imperatore impetravit, ut Spirensium legati ad solium ejus admitterentur. Marchione itaque cum filio & Rudolpho Sulzenſi præsentibus legati suas exposuerunt rationes, ob quas Ludovico Veldentino, quem Cæsar militiae Imperiali contra Fridericum Palatinum præfecerat, auxilia ferre nequirent. Cæsar eos benigne audivit, & Marchione interprete usus, Spirensibus remisit militiam. Cæsar id quidem literis firmare negavit; at per Marchionem Moguntino Eleotori injunxit, ut responſionem, quam Spirensibus dederat, actis Cancellariæ inferret. (k)

Sub finem A. 1471. Carolus cum Christophoro filio & Georgio fratre, Metensi Episcopo, Heidelbergæ in Aula Friderici Electoris versatus est, litibusque Wertheimenses inter Comites & Wallbronnenses Nobiles componendis operam impedit; (l) anno sequenti terminaturus dissidia inter Consules Spirenses, quæ dirimenda ei commiserat Cæsar. (m)

(k) LEHMANN. *Chron. Spir.* Lib. VII. cap. III. p. 882. seq. MÜLLER. in *Reichstags-Theatro sub Friderico III. Vte Vorſtell.* cap. 10. p. 426.

(l) BURGERMEISTER. *Cod. Dipl. Equeſt.* Tom. I. p. 833.

(m) LEHMANN. *Chron. Spir.* Lib. VII. cap. II. p. 921.

A. 1472. Corolus Stützheimensem pagum Hattstadiensem, Alsatiae nobilium, interitu ad Imperium redeuntem, a Friderico IV. Imperatore obtinuit, quem ille dein Reinholdo Volschio de Ober-Ehenheim tanquam subfeudum concessit. (°)

§. XXII.

A. 1473. Fridericus IV. Imp. Carolum Badæ invisit, ultra mensem cum eo versatus. Ibidem Rupertum Argentinensem Antistitem de Episcopatu & regalibus investivit. Marchio dein Cæfarem comitatus est Argentinam, & inde Treviros, (n) ubi Carolus Audax, Burgundiae Dux, a Friderico Imp. Geldrici Ducatus investituram accepit. (o) Burgundi magnificentiam in Conventu hoc mire extollunt illius temporis Annales. (p)

A. 1474. Carolus Margaretha Albæ seminarum Abbatisse literas commendatitias ad Episcopum Spirensem, pro obtinenda confirmatione concessit, simulque Steinensem Scultetum monasterio præfectum assignavit. (q)

(*) De Stützheimensi hoc pago agit ALSATIA ILLVSTR. Tom. II. p. 259.

(n) PETRI Suevia Eccles. pag. 679. KOENIGSHOV. Contin. p. 368. PARALIPOM. URSPERG. pag. 326. LEHMANN. Chron. Spir. Lib. VII. cap. 112. pag. 892. MÜLLER. in Reichstags-Theatro sub Friderico III. Vie Vorstell. cap. 32. p. 556.

(o) MAPPII Annales Clivæ Ducum Tom. III. p. 22.

(p) COMINAeus Lib. II. cap. 8.

(q) Scriptum Badæ-Badeniæ contra Frauenalb Documentor. p. 110.

Idem eodem anno legatos suos cum Electoris Palatini legatis ad Carolum, Burgundiæ Ducem, misit Brisacum, quum hic Brisgovicas & Alsaticas Domus Austriacæ terras a Sigismundo Archiduce A. 1469. oppigneratas, (r) inviseret. Sed & paulo post Marchio nuntios misit Basileam, qui de Brisgovia & Alsacia Austriaca, ex manibus Caroli Audacis liberanda cum Sigismundo Archiduce, cum Basiliensi & Argentinenzi Episcopis, cum Civitatibus & Electore Palatino deliberarent. Paulo post in Conventu Constantiae, Martio mense, conventum, ut Carolo Audaci octogies mille florenorum summa redderetur, atque adeo Sundgovia & Brisgovia Austriacæ ex ejus manibus reciperentur. Tum vero Sigismundus Austriacæ Domus nomine renunciat juribus in terras, quas Helvetii Austriacis, Constantiensis Concilii tempore, abstulerant. (s)

Eodem anno Carolus legatos quoque suos ad Comitia Augustana ablegavit, (t) in quibus expeditio contra Carolum Burgundiæ Ducem, qui Novegium obsederat, decreta est. Carolus cum Christophoro filio in auxilium profectus est Cæsar; cum que

(r) Tschudi *Eydgenoßische Geschichten* Part. II. Lib. XIV. p. 708. Stumpf. *Schweizer-Chronic* Lib. XIII. cap. 16. pag. 737. Pontus Heuterus *Rer. Burgund.* Lib. V. cap. 10.

(s) Ursius. *Chron. Basil.* Lib. VI. cap. 5. p. 437. Herzog. *Chron. Alsat.* Lib. II. pag. 121.

(t) Lehmann. *Chron. Spir.* Lib. VII. cap. 113. p. 901.

que exercitus Imperii, relicta Colonia, contenderet Novegium ipse cum Friderico Imp. & Alberto Brandenburg. aliisque Principibus novissimum secutus est agmen. (u)

§. XXIII.

Motus hi induxerunt Carolum nostrum, ut eodem anno 1474. Ortenaviae Nobiles, ab Imperio pendentes, ad XV. annorum foedus ineundum impelleret. Primordia hæc Corporis Equestris Ortenaviae; cuius finis erat securitas publica, Austregorum introductio; Pacis publicae primitiae. Constitutus est Director, (*Hauptmann*) qui cum assessoribus lites dijudicaret, ferretque sententias. Windeckii, Bachii, Rœdereri, Stauffenbergii, Schauenburgii, Neuensteinii, Pfauii, Kroschweylerii, præcipua erant novi hujus corporis membra, quod ad Comitia olim Cæsar vocavit. (x)

Corporis
Equestr.
Ortenav.
origo.

§. XXIV.

Carolus partes aliquas vici Königschaffhausen comparavit; Castrum Heidweiler cum vicis Balrechten & Dottingen permutavit, quos deinceps Trutpero, Dynastæ in Stauffen, dedit in feudum.

Tom. II.

A a

Accessio-
nes ter-
rarum.

(u) FUGGER *Oefflerr. Ehrenspiegel.* Lib. v. cap. 24. p. 815.

(x) DATT *de pace publica* Lib. III. cap. 6. num. 14. pag. 543. & Lib. V. cap. 4. num. 18. pag. 583.

Ginglingam cum pacto retrovendendi acquisivit. Bickenfohl, Nimburg, Bottingen & vici Weiler tertiam partem coëmit. (y)

Vicum Ottenbrunn cum juribus annexis suo & Bernhardi fratri nomine Wolffio Abbatii Conventuque Hirsaugiensi tradidit A. 1457. vicosque Hustatt, Wiler, Schelpron & Hohenwart in compensationem accepit. (z)

§. XXV.

Mors &
Chara-
cter.

A. 1475. Carolus I. obiit peste, Badaeque sepultus est. (a) Princeps togatis & sagatis virtutibus Principes inter Badenses conspicuus, apud Fridericum Cæsarem affinem gratiosus; apud Ordines Imperii auctoritate pollens; ob æquitatis famam gravissimus Imperii negotiis adhibitus. **AENEAS SYLVIVS**, (b) virtutis ejus bellicæ præco, clarissimis Germaniæ sui temporis Ducibus, Friderico Palatino Electori & Alberto, Austriae Archiduci eum annumerat; quos omnium judicio habitos suisse dignos ait, qui copiis contra Turcas educendis præficerentur.

(y) Loca sunt Marchionatus Hachbergæ.

(z) BESOLDUS Document. Wirtenb. p. 586.

(a) JUNGLERUS in narratione genealogica Mscrpt. Domus Badensis. Caroli I. & patris ejus Jacobi vitas delineatas vide in Programm. Cel. SACHSIX A. 1757. seq.

(b) Libello de Germania cap. 67.

Reprehendas in Carolo, quod animo non satis firmus & constans, in colenda tamen Imperatoris, Principis inconstantis & debilis, amicitia constantior, consilia sua ad voluntatem ejus plerumque direxit; promovendis Cæsaris commodis potius, quam suis intentus. Turbis, a quibus ille medius & spectator tranquillus abstinere potuisset, absque necessitate se immiscuit; id quod Moguntina ejus bella satis demonstrant. In utroque comparuit, Cæfari ut placeret ac Papæ.

§. XXVI.

Uxor Caroli I. fuit Catharina, Ernesti ferrei Archiducis Austriæ filia, quæ voluntate & consilio Friderici IV. Imperatoris & Alberti Austriæ Ducis, fratrum suorum ei despontata A. 1446.

Fratres sorori XXX mille Ducatorum florenorum promittunt. Jacobus Marchio totidem filio Carolo promittit & pignoris loco Dynastias Hachberg & Höhingen, quartam partem Dynastiarum Mahlberg & Lahr ei concedit.

Catharina una cum Imperatrice Eleonora & legato Pontificis A. 1463. operam dedit, ut inter Fridericum Imperatorem & fratrem ejus Albertum restitueretur concordia. (c) Obiit A. 1493. d. XI. Septembr.

Tom. II.

Aa 2

(c) *Roo Hist. Ausfr. FUGGERI Ehrensp. Lib. VII. pag. 272.* sed uterque Catharinam nostram erronee Margaretham appellant.

CAROL.I.

Ex ea Carolo nati sunt Christophorus, Albertus, Fridericus, de quibus singulis infra differimus.

Unica, quam novimus, filia Caroli, Zimburga, A. 1468. despontata fuit Engelberto, Nassoviæ Comiti, filio Johannis Ehrenbreitsteinii, conciliante Johanne Trevirensi Electore, Zimburga patruo. (d) Engelbertus ex matrimonio cum Zimburga nullam sobolem reliquit.

(d) Instr. extat in Tabular. Bada-Badensi. MIRAEUS Opp. Dipl. Tom. I. p. 219, Zimburgam hanc vocat *Lutgarden*.

